





國立故宮博物院珍藏

清代起居注冊

咸豐朝 第三十九冊

國立故宮博物院珍藏



清代起居注冊

咸豐朝第三十九冊

序

咸豐七年十二月上……三三四二五
咸豐七年十二月下……三三六六一

清代起居注冊——咸豐朝

(清)沈兆霖等奉敕撰 民國72年 臺北市 聯合報
文化基金會國學文獻館印行 影印本

57冊 21公分

據國立故宮博物院藏手稿本影印

聯經出版事業公司總經銷

I. (清)沈兆霖等奉敕撰

654.77

7467

72

NT\$ 86,000.00

72 · 12 · 0650

· 89007139 ·

清代起居注冊 咸豐朝第三十九冊

資料提供者 國立故宮博物院

景印者 聯合報文化基金會國學文獻館

發行人 王必成

發行者 聯經出版事業公司

臺北市忠孝東路四段五五七號

電話：七六〇一六一六—二三一七

郵撥：一〇〇五五九號

行政院新聞局登記證局版臺業字〇一三〇號

保有版權·翻印必究

中華民國七十二年十二月初版

咸同兩朝共壹佰冊
定價每部新台幣八六〇〇元

序

新學堂
PDG

咸豐七年歲次丁巳十二月初一日戊申內

閣奉

諭旨甘肅甘涼道員缺著蕭凌蘭補授又奉

諭旨樂斌奏勘明各屬被災地方請將新舊錢糧

分別緩徵一摺甘肅省各廳州縣州判縣丞地

方本年夏秋之間田禾間有被雹被水被旱被

風並有被霜被雪之區收成歉薄若將新舊錢

糧照常徵收民力未免拮据加恩著照所請所
有皋蘭靖遠隴西西和安化平羅徽縣崇信靈
臺鎮原等十縣未完新舊銀糧草束均著緩至
咸豐八年秋後徵收河州狄道沙泥州判安定
隴西縣丞固原鹽茶甯夏甯朔靈州中衛碾伯
涇州等十三處帶徵各年舊欠銀糧均著緩至
咸豐八年秋後徵收以紓民力該督即刊刻謄

黃徧行曉諭務使實惠均霑毋任吏胥舞弊用
副朕軫念災區至意該部知道又奉

諭旨裕誠等奏司員捐輸經費一摺內務府造辦
處總管郎中氣驍騎參領廣毓應得獎敘著內
務府覈議具奏是日吏部議覆陝甘總督樂斌
題兩當縣知縣員缺請以分缺先用知縣張
澂補授一疏奉

諭旨張澂依議用餘依議是日

起居注官清安董似穀

初二日巳酉內閣奉

諭旨張祥河等奏六門外粥廠懇恩展限一摺京師內城六門外添設粥廠將屆年終停止之期現在物價昂貴貧民餬口維艱加恩著展至來年四月初五日止仍著順天府督飭所屬會同

五城認真辦理以恤窮黎又奉

諭旨曾望顏奏叅知縣捕務廢弛匿案不報一摺
陝西澄城縣知縣梁際殷於竊賊逾貫撞門嚇
禁臨時行強重案並不勘驗通詳延及二載賊
賊尚無破獲實屬有心諱匿若不嚴加懲創不
足以儆昏惰而靖地方梁際殷著先行撤任交
部嚴加議處留於該地方協同接任之員勸限

嚴緝賊犯該管同州府知府慧誠失於覺察並
著交部議處又奉

諭旨德興阿翁同書奏艇師巡哨金陵城外登山
搜捕生擒逆首一摺水師自攻克燕子磯賊壘
後於上月十七日儘先遊擊彭常宣帶同都司
江立坦駕船巡哨至南岸巴斗山根見有賊匪
成羣向山嶺林內奔逸彭常宣即督帶兵勇跟

踪登山追擒該逆據險抗拒擲石下擊我兵圍
山環攻斃匪甚多時有賊首吹角招集外援拚
命衝突俱經我兵擊退其來援賊黨又經水師
前後夾擊賊勢不支紛紛逃匿墜崖落澗死者
甚衆當將吹角賊首生擒訊係著名悍賊偉元
帥賴元益當即正法該遊擊彭常宣新破燕子
磯賊壘茲復登山搜捕手縛兇渠實屬奮勇彭

常宣著賞加參將銜並賞給匡勇巴圖魯名號
以示獎勵仍著德興阿等督飭將弁迅即攻克
江浦縣城以清江北此外出力員弁並著查明
彙案保奏又奉

諭旨和春等奏鎮江城外水陸餘孽掃盪淨盡現
在進兵金陵一摺十一月十二等日該大臣等
督飭將弁會勦金山柴圩等處各賊營水師都

司賴鎮海等督攻鮎魚套口焚燬賊船數隻奪
獲大船四隻划艇八隻銅鐵礮位旗械不可勝
計金山等處賊壘一律肅清鎮江逃出餘逆於
龍潭東陽一帶聚殲石埠橋賊營經副將陶茂
森等會勦沿途殲斃及投江撲河者約數千人
由鎮江以至金陵之東水陸餘孽掃盪無餘和
春等派總兵傅振邦等分兩路進兵該逆於城

南竄出匪黨占踞秣陵關又於東門出賊五六
千經虎坤元等分路直抵賊營擊斃悍賊數十
人並斃賊匪百餘人此次掃盪餘匪進攻秣陵
關賊巢逆眾披靡敗竄張國樑已督兵馳赴高
橋門一帶相機進剿著和春等分飭鎮將乘勝
進攻迅將金陵克復殲厥渠魁以慰朕望所有
陣亡之廣東南韶鎮標左營守備儘先都司蔣

有元湖南鎮筵鎮中營千總包占元均著交部
從優議卹又奉

諭旨巡視北城御史富稼等奏江蘇職員曹崇慶
之妾張氏夫故殉節援案聲請旌表等語著禮
部覈議具奏又奉

諭旨此案著交恒福親提人證卷宗秉公嚴訊確
情按律定擬具奏原告民人王根昌該部照例

解往備質是日吏部將十一月分月官大理寺
左寺丞施德濬等七員帶領引

見奉

諭旨大理寺左寺丞員缺著施德濬補授兵部司
務員缺著惲桂孫補授湖北德安府知府員缺
著耿蒼齡補授山西沁州直隸州知州員缺著
李廷樟補授山西吉州知州員缺著莫蒼榮補

授江蘇松江府柘林通判員缺著魏省三補授
湖北恩施縣知縣員缺著多壽補授又將捐免
厯俸之現任西城兵馬司正指揮陸澄一員
帶領引

見奉

諭旨陸澄著照例升用又將捐免厯俸之現任南
城兵馬司副指揮謝紹芬一員帶領引

見奉

諭旨謝紹芬著照例升用又將擬補內閣中書之

楊仲愉一員帶領引

見奉

諭旨內閣中書著楊仲愉補授是日

起居注官依奇哩張之萬

初三日庚戌內閣奉